

EPISTOLA

DIDACI DE OROPEGA

Lovaniensis Theologi

*Ad Eximium D. Martinum Henricum
de Swaen S. T. D.*


E T

Eruditissimum D. Petrum Melis S. T. L.

Occasione Congressûs eorum cum
Amplissimo Domino

NICOLAO DU BOIS.

*Insignis Ecclesie Collegiatae D. Petri Lova-
nii Decano Sacrarum Litterarum Professore
Primario Librorum Censore &c.*



COLONIAE AGRIPPINÆ,
Apud Wilhelmum Fricsem 1691.

EPISTOLA

DIDACI DE ORATECA

Iovannis Theologi

ad Eximium D. Martinum

de 2. 1. 1.

II T

transmissionis huiusmodi

Eximium D. Martinum

Adrianum hominem

ALCOLO DI DOTE

Eximium D. Martinum

Adrianum hominem

Eximium D. Martinum

Adrianum hominem

Eximium D. Martinum

Adrianum hominem

Eximium D. Martinum

Adrianum hominem

Eximium D. Martinum

Dòmini Admodum Reverendi

Eximie ac Eruditissime.

Vix Lovanium subiverat, quam alibi typis mandaveram, *Confutatio libelli Anonymi cui titulus les Sentimens &c. : DE MONSEIGNEVR L'ARCHEVEQUE DE MALINES*, cum varios hic observavi animorum motus, ut in varias urbs hæc Sententias, & studia discinditur, aliis confutationi applaudentibus, ægrè ferentibus aliis, me non solâ calumniarum ab Illustrissimo capite depulsione contentum, etiam in Idumæam calceamentum extendisse, respondisse provocationi adversariorum, eorumque doctrinam cum Archiepiscopi placitis contulisse, breviter quidem, sed nimis accuratè. Quibusdam videbatur D. Antonius Arnaldus appulisse Lovanium: tanta erat Theologorum, novitaribus studentium ad domum N. concursatio, tam frequens conventus. Etiam Religiosus aliquis zelo (sed an secundum scientiam?) accensus mox ubi cum præcipuis factionis ducibus contulerat consilia, dicitur bibliopolam adortus sæva quæquæ mihi minatus, & in universum Jesuitarum ordinem debaccharus intemperantius, quam ratio postularet, aut deceret sui instituti Religiosum, nullum enim calamo verbum exciderat, quo Virum hunc, vel ullum ejusdem Ordinis Theologum, aut doctrinam videri possem lacessivisse. Sed neque tanta mihi est cum Societate connexio, ut ipsa, & qui-

dem

dem integra, luere deberet crimen, si quod esset à me in *Confutatione* &c: perpetratum. Minus tamen miror hominis istius peregrini, & ad promotionem forte aspirantis impetus Gallicos, quam vestrum DD. Eximie, ac Eruditissime pridie festi S. Laurentii cum Amplissimo D. Nicolao Du Bois Decano & Opusculi mei Censore congressum. Eorum, quos Rigoristas, & Jansenistas vocant, quamvis numquam probaverim Sententias, nec assequi satis etiamnum valeam, quia D.^{us} Gery in Apologia prædicaverit D. Gummarum Huygens *Le plus doux, & le plus patient des hommes; suavisimum & patientissimum mortalium*, uti & elogium D. Francisci van Vianen ibid. Tamquam *Senis optimi, qui sit ipse candor & sinceritas, ce bon Vieillard, qui est la sincérité même*; Mores tamen ad modestiam compositos, humanitatem præsertim vestram, & comitatem, præ Catonicâ, nec satis urbanâ quorundam gravitate merito apud familiares encomio frequens celebravi. Nunc autem verbum nescio quod à me in *Confutatione* duriusculè positum, pristinae vos humanitatis oblitos, ad iras tam graves concitasse intelligo, ut Censorem aggressi, multisque de injuriâ expostulantes, in meam, meorumque, si quos habeo, sociorum perniciem conjuraveritis. Prius nomen meum distinctis vobis exponi voluistis ab Amplissimo D. Censore, quod cum is exemplò præstare non posset, nec enim ipse cum pro Approbatione obtinendâ conveneram, tridui inducias petiit, quo elapso petitioni vestrae facturus esset satis. Verum mox ubi te Eruditissime D. non tantum Sacerdotalis modestiæ, sed & Christianæ Charitatis limites transgressum, iis agi in-

tem-

temperiis vidit , ut exclamares , *Si Iesuita libelli
Auctor sit , perficiam ut Iesuita omnes eliminentur totâ
Missione Hollandicâ* ; Mutare consilium coactus est
Amplissimus D. Quid enim ? miserumne me &
privatum hominem furori exponet factionis
tam malevolæ , & potentis , ut jactare audeat ,
tam confidenter se omnes Societatis Missiona-
rios expulsuram ex Hollandiâ , si me Jesuitam
esse , deprehenderit ? Quid si ex Ordine sim S.
Francisci , aut alterius cujuscumque ? Eadem
fors Ordinem istum manet , eadem calamitas.
Quid si autem nulli Religiosæ familiæ adscrip-
tus , renui consuetudinem ago inter sæculares Cle-
ricos humilem & obscuram nullo munitus ami-
corum , aut sociorum præsidio ? ubi terrarum
rutus consistam , à tam potentium , & minas tam
diras spirantium adversariorum insidiis ? Equi-
dem styli vestri (quo nomine socios vestros hic
compello) & linguæ acerbitatem numquam ti-
mui , nisi calumnias , quascumque adversus me
aut malevolentia fingere , aut maledicendi pro-
cax libido posset effutire ; at parentem meam
jam grandævam , patruelem unicum , eumque
pupillum , fratres pauperes odio vestro plus-
quam vatiniâno objicere , quis duxerit consul-
tum ? Quisquamne umquam in animum in-
duxisset de viris tam modestis , tam humanis ,
tam blandis suspicari , odio eos arsuos tam im-
placabili , tam insolentem decreturos vindi-
ctam , quæ tot innocuos Sacerdotes , tot Apo-
stolicos divini verbi præcones , alienæ salutis
studiofissimos , divinæ gloriæ zelosissimos pro-
pagatores , unius vitio (si tamen vitio) reos fa-
ceret , & tot annorum laboribus exultâ statio-
ne expelleret . Nihilne amoris fraterno tribuen-

dum duceres vir Eruditissime? nam tibi esse inter Jesuitas Fratrem intelligo. Hunc, credo, saltem Patriæ suæ, si forte ex moderatorum imperio Amstelodamum destinaretur, finibus non ejiceres. Fallor, si vel hunc exciperes, tanto in omnes Jesuitas propter unum Oropegam furore succensus. Sed quibus, amabo, artibus, quâ potestate tanti rem moliminis exequeris in Societatem? An auctoritate Pontificiâ? Quis enim Ecclesiastici Ordinis Princeps Pontifice inferior discessum imperet Jesuitis omnibus, jurisdictioni Pontificiæ immediatè subjectis? Nescio verò an factioni vestræ tantum delatura esset Apostolica Sedes, ut firmatam suâ auctoritate Societatis Missionem, solâ vestrâ postulatione aut accusatione revocaret. Si accusationem Societatis apud Christi Vicarium, instituere est animus, id quidem legitimum Religiosorum & quorumvis Ecclesiasticorum tribunal est, sed non tam remota est, Hollandia, quam Japonia, Indiæ, aut Chinæ, ut factis à Romanam deferri mendacia queant, quæ testimoniis luculentis non confutentur. Veritate autem factorum si certandum fuerit paulò graviores, fortè noxas in adversariis suis detegere poterunt Jesuitæ quam illi ulla veritatis specie Societati affingere. An doctrinam Missionariorum Jesuitarum perniciosam Sedi Apostolicæ exhibendam suscipitis? Probo consilium, si quæ ejusmodi dogmata occurrere. Verum sunt & penes me quædam factionis vestræ documenta, circa quæ Sedis Apostolicæ judicium exquisivisse non fuerit inutile. Confido autem me, si eo provocare libuerit, si eo coram eruditis omnibus & uni-

versa

versa Christi Ecclesiâ demonstraturum plus esse suspecti & perniciosi sensûs in paucis vestris inter Lovanienses Novaturientibus Magistris, & eorum sequacibus quam in omnibus Societatis per Hollandiam Missionariis. Agite, si quidem ita visum fuerit, comparationem instituite, vestram inter & Missionariorum Jesuitarum doctrinam. Responsionem spondeo non minus promptam, accuratam, & evidentem, quam dedi nuper ad comparationem Anonymi, dementis, & furibundi Jansenistæ inter doctrinam Illustrissimi Archiepiscopi & novatorum. Unum jure postulo, ut si fortè nimis manifestam vestrorum vulgò Rigoristarum cum Jansenio convenientiam, & quædam alia luci exposuero provocatus, æqui bonique consulatis hanc meam qualemcumque importunitate vestrâ extortam operam; nulli religioso Ordini propter me constet invidia, nulli fratrum meorum, aut Necessariorum intentetur exitium. Sed non existimo tantum vobis animorum, aut fatuæ præsumptionis futurum, ut coram Apostolicâ Sede expulsionem Jesuitarum è Missione Hollandicâ apertè urgeatis. Quonam igitur pacto, quo stratagemate, à quibus eam vos tam certò obtenturos speratis, imò novistis certissimè? In statibus scilicet Hollandiæ sceleratam hanc fiduciam posuistis: sed Potentissimi illi Ordines sapientiores sunt, & æquiores, quam ut paucorum odio, & æmulationi tantum tribuant, ut tot innoxios Sacerdotes ditone suâ exulare jubeant, contemptis precibus & lacrymis tot millium subditorum sibi Catholicorum, qui Societatis Patribus Confessariis usi sunt & directoribus, testariq; parati sunt & Sacramento, si opus fuerit,

confirmare, numquam se in iis quidpiam observasse, quod perfidiam aliquam redoleret, turbaret pacem, aut aliter reipublice incolumitati utilitatisque adversaretur. Memini quidem audivisse me non ita pridem quibusdam provinciarum foederatarum moderatoribus, suggestum fuisse, non expedire bono communi ut Religiosis Catholicorum cura permittatur, præstare ut illis omnibus ejectis, soli committatur Clero. Rationibus id suadebatur pseudo-politicis; sed quarum inanitas faciliè detecta est, & oppositis argumentis confutata. Rationem unam cogor excipere; quod nempè Religiosorum doctrina magis quam passim istis Clericorum, à Reformatorum opinionibus sit remota, adeoque sperari ab A catholicis possit, fore ut inter se & ejusmodi Clericos faciliùs & citiùs, quam inter se & Religiosos conveniat, saltem in materiâ de prædestinatione, morte Christi pro æternâ hominum salute; de gratiâ, & libertate. Quam multorum nuper Clericorum nomina exprimebat poemâ hæreticum, quo eos Reformati tamquam in paucis à se discrepantes, ad suam Ecclesiam ad suas Cathedras relictâ, ut aiebant, Romanâ Babylone invirabant. Spectabile inter cætera erat nomen cujusdam *de Zwaan*: Tunc illud eximie Domine? Si societatem vobis perdere certum est, nolite per Deum immortalem nolite tam foedâ & Catholicis maxime Sacerdotibus indignâ machinatione, tanto fidei & Religionis detrimento, in viros Apostolicos, & Religiosos concitare A catholicorum Potentiam. Quid excogitari queat scandalosius quàm quod à variis, iisque non vulgaris notæ Reformatis jactatum quandoque.

etiam

etiam nuper audivimus, Religiosis præsertim Jesuitis infensiores esse Clericos quosdam, avidiusque in eorum extirpationem incumbere, quam ipsos Reformatos & Prædicantes! At gravem nimium, nec orthodoxis tolerabilem calumniam intuli Clericis per *Hollandiam missionariis*. Majorem horum partem seu plerosque *Iansenistas* vocavi, Quo capite, qua pagina cap. ni fallar, sexto, Pag. 50 durior expressio est, nec satis honorifica Clero sæculari per *Hollandiam* disperso. Verum locutione hæc capite isto non utor neque alibi; en verba ex loco citato, quæ tantopere vos offendunt, *Quis ullum eorum, qui se hodie traduci queruntur, velut de Iansenismo suspectos, fatentem audivit, propositiones V hæreticas esse in sensu Iansenii, ut eas damnavit Alexander VII. Ad si placet Eximium D. Franciscum van Viane, interroga virum seriò, num propositiones V in sensu Iansenii rectè damnaverit Alexander VII; interroga D. Gummarrum Huygens, P. Gabriëlis, DD. Ioannem Libertum Hennebel, Martinum Henricum de Swaen, Melis Laeman, Kuypers, de Witte, van der Linde, Opstyaere, ad plerosque in missione Hollandicâ ex universitate Lovaniensi Sacerdotes sæculares; adi, si vagabundi latibulum subodoratus, & non ipse es, D. Arnaldum, fallor si ab ullo verbum extorquens, quo Pseudo-Augustini sententias in ejus sensu rectè proscriptas aut falsas profiteatur. Hoccine est, plerosque missionis Hollandicæ Sacerdotes Clericos *Iansenistas* vocare? Non aliorum mentionem facio, quam eorum, qui ex *Universitate Lovaniensi* prodierunt. Neque his omnibus atrum *Iansenistarum* nomen crudè objicio, tantùm ad plerosque impudentem Archiepiscopi calumniatorem remitto ad eos, non quos ego expresso vocabulo *IANSENIS-**

TAS voco , sed qui se hodie traduci queruntur , velut de Jansenismo suspectos. Mox quidem subjungo ; fallor si ab ullo verbum extorqueas , quo Pseudo-Augustini sententias in ejus sensu rectè proscriptas aut falsas profiteatur ; verùm si hoc vobis est Jansenistas dicere , quà ratione me argueris calumniæ ? Ululne vestrum hætenus verbum protulisse compertus est , quo sibi Jansenii dogmata , saltem damnata displicere profiteretur ? Memini quidem , aliquando intelligere me , non placere Eximio Domino de Swaen modum Palladii aliorumque similium nimis apertè Ecclesiam in condemnando Jansenii sensu erroris redarguentium , easdemque rursus sententias clarè adstruentium imprudentiam. Verum , quid juvat nimium sociorum suorum reprobare candorem , dum iisdem placitis , eidem sensui pertinaciter quis adhæreat ? Pelagianorum alius negat gratiam Dei ad opera salutaria esse necessariam , damnat alius socii sui improvidam in loquendo sinceritatem , quapropter gratiam adstruit necessariam , sed ita ut sub specioso gratiæ vocabulo aliud non intelligat , quàm legem atque doctrinam. Quæstionum Theologicarum non admodum peritus sit oportet , qui , nunc saltem , imponi sibi sinat tam inani verborum furo , & existimet sub orthodoxorum verborum cortice latere non posse sensum hæreticis maximè conformem ? Ubi nam , amabo , aut quando vestrum alteruter , aut ullus eorum , quos in *confutatione* refero , ullam umquam sententiam protulit à Jansenio alienam ? Tantum à vobis hætenus exprimere non potuit toties iterata anti-Jansenianorum provocatio , & quæ mihi quidem videretur in-

salta-

falsatio non ferenda : tantum non potuit com-
 ponendae inter Theologos Belgas sub pia re-
 cordationis Archi-Episcopo Alphonso spes con-
 cordiae , tantum non potuit Alexandri VII ju-
 ramenti tam salutaris formulam decernentis
 auctoritas. Persistitis vir Eximie in hac putida
 tua toties ab adversariis reprehensa , toties tibi
 palam exprobrata tergiversatione ; *quis enim non*
videat periculum imminere non infundatum , si propo-
sitiones famosas damnarem in sensu ab auctore intento ,
ne hinc inferat aliquando adversarius meus R. P.
 Isaacus de Bruyn Societatis JESU S. T. Pro-
 fessor *me non meam tantum , sed etiam majorum meo-*
rum doctrinam imprudenter damnassee ? Tantam sci-
 licet tu ipse censes tua tuorumque majorum in-
 ter (addere potuisses & procul dubio voluisti
 sub intelligi sociorum) & Jansenii pronuntiata
 consonantiam , ut proscribi nequeant Jansenia-
 na quin vestra pariter feriri videantur. Ideo
 tanta semper in loquendo & scribendo vobis
 circumspectione opus , ne verbo usquam indi-
 ceris , recte damnatum esse Jansenii sensum ;
 ne & vestrum eodem prostratum esse anathe-
 mate inferatur ab adversariis , & quidem invi-
 cte , cur enim alioquin ad *illationis* istius , quod
ais periculum non infundatum , tantoperè exhor-
 resceres ? Non desunt vobis fuci & pigmenta
 Pseudo-Thomistica , non desunt Pseudo-Au-
 gustiniana , quibus & libertatem fingatis Au-
 gustino-Thomisticam ; neque tamen specioso
 hoc pallio Augustino-Thomistico satis vos tu-
 tos arbitramini , si Janseniani sensus condem-
 natio sit legitima. An non eadem ratio Ami-
 cum vobis Libertum Hennebel , eadem Gum-
 marum Huygens , eadem Franciscum van Via-

ne, & ceteros earumdem partium Theologos mover, ut à Janseniani sensus condemnatione, tam cautè abstineant? Et sanè quomodo ejus defester Conclusiones qui principia; ex quibus profluunt, nolo dimittere; neque ullum quoad substantiam inter mea ejusque asserta discrimen deprehendo? Non desunt quidem Lovanii Doctores & Professores, qui Jansenio bellum indicunt; sed quàm raros hi suis in lectionibus numerent auditores, quàm frequens verò ad Huygenianas seu Vianæas sit undique concursus, norunt omnes, qui Scholas Lovanii Academicas perlustrarunt. Jam verò DD. Eximie atque eruditissime curam vobis commissam agnoscitis, destinandi in Hollandiam missionarios, quos hæc solet suppeditare universitas. Ecquosnam plerumque deligitis? Sectatoresne DD. Steyart, du Bois, &c. Anti-Jansenistarum, an potius Huygenianos & Vianæos. Hos vobis chariores esse, hos commendatissimos, ne ipsi quidem volueritis inficiari, & sciunt omnes rerum Lovaniensium non admodum imperiti. Quis igitur dubitet, quin plerique in missione Hollandica ex Universitate Lovaniensi Sacerdotes sæculares iis sint imbuti principiis, quæ ex Huygenianis & Vianæis lectionibus hausere? Eisdem sententiis tradiderunt, qui à tempore Jansenii ut præcipua hujus Universitatis columnina à vestrarum partium Academicis celebrari solent Calenus, Fromondus, Sinnichius, Pontannus, van Worm &c. Simnè igitur temerarius, si suspicer, plerosque in missione Hollandica ex Universitate Lovaniensi Sacerdotes sæculares non facile verbo aut scripto significaturos, averfari se sensum Jansenii? Hunc ab

Antonio

Antonio Richardo olim debellatum fuisse dixerat aliquandò antè Doctoratum D. Martin nunc in Seminario Mechlinienfi S. T. Professor. Crimen illud vifum fuit ſeditioſis Baccalaureis, iisque Huygenianis, quod auctorem Doctorali laurea redderet indignum. Quidquid denique ſive in familiari ſermone, ſive in ſcholis, ſive pro concione commemorant, quidquid Catechiſmis & Libellis quotidie novis infarciunt de libertate, de gratia, de prædeſtinatione, de morte Chriſti pro æterna hominum ſalute, conforme prorsus eſt Doctrinæ Cornelii Janſenii Epifcopi Iprenſis. Hæcine probari à me vultis diſtinctius prolatis eorum verbis ex Theſibus, ex Libellis, ex Concionibus, &c. Dabo proſectò probationes magis luculentas, quàm expetitis. Quare hanc Epistolam nonniſi, ut prodromam accipite, aut velitem, ſi tamen (id mihi ſanctè teſtatum oportuit) hanc meam operam vobis, veſtrisque ſociis alumniſ, & miſſionariis non ingratham fore reſcripſeritis, & ab amicorum meorum perſecutione abſtinendum.

Graviuſne ferit, quod in cõſutatione Pag. o in ſuperiorem rationem inquirens dicebam: *in famoſum Janſenii volumen Doctores, & Theologi iſti numquam ſcrutati ſunt, qui ejus ſententias tam avidè ſectantur, iſdem fulciunt argumentis, iſdem ſententiis Auguſtini, eodẽ ſenſu intellectis? Nulla iſtorum Theologorum Bibliotheca tam pretioſa, tam nobili monumento deſtituta eſt, &c.* Hic ſcilicet ple-roſque in miſſione Hollandica ex Univerſitate Lovaniendi Sacerdotes ſæculares, vocavero **JANSENISTAS**. Equidem Janſeniſtas eos eſſe inficiari nequeo, ut velim maximè, adèd mihi vim

vim infero , ut vel de adversariis meis sentiam
quàm optimè . Rationes , quæ impediunt ,
ne eos Jansenismi suspitione liberem , jam in-
dicavi , daturus longè plures & clariores , ubi
adversariis visum fuerit postulare . At nihilne
discriminis est Jansenistam inter , & eum , qui
Jansenii sectatur placita ? Mihi quidem disci-
men excogitare animus non est , nec enim par-
tiam vestrarum Theologos à Jansenismo stri-
ctè dicto excusare cupio , aut valeo . Agnos-
cunt tamen alii , inter quos forte Amplissimus
D. Du Bois , qui , cum dixi Theologos illos *se-*
ctari avidè Jansenii sententias , non intellexerit id
de sententiis Jansenii prorsus omnibus . Sic nu-
per Cornelius à Cranebergh ostendit quinque
Articulos primùm Alexandro VII dein Alexan-
dro VIII à Pseudo-Augustini discipulis oblatos
nullà prorsus sui parte , quoad substantiam dis-
crepare à dogmatibus Jansenii ; nihilominus
non omnes articulorum vindices Jansenistas
esse , seu hæresi Janseniana afflatos professus est
non semel , ac præsertim in præfatione , ubi
Thomistas , & nominatim Gonetum ab hære-
sios suspitione prædicat immunes . Non omne
scilicet , quod Jansenius tradit , est hæreticum ,
ut ipsi toties adversariis vestris oggeritis , quo-
ties vos Jansenio consentire vociferantur : *Ità*
docuit Jansenius ; ergo malum est , & hæreticum . Vo-
care id soletis . & meritò (si tamen ita contra
vos Theologi Anti-Janseniani argumentantur)
Sophisma , & nocturnos lemures terrendis pueris ,
quàm viris aptiores . Sic inter Augustini , saltem
Iprensis , discipulos non infimus , notissimus
autem vobis , & percharus Palladius , suo , &
suorum nomine profitetur , distinguendum esse
inter

inter eum, qui Jansenio consentit, & vulgo dictum Jansenistam: Hic enim, inquit, vulgo creditur homo exoticus, nec sanæ fidei. At si Jansenii, ejusque Doctrinæ defensores Jansenistarum nomine intellexeris, eo gloriari fateatur suæ sectæ Theologos, vos procul dubio collocans inter primos. Si locutionis, inquit in prosecutione Criseos Pag. 20, fixarumque mentibus idearum imperium teneret Theologus Martinus Steyaert nomenclationi ejus, atque descriptioni actutum accederemus, Jansenistarum nomen sponte amplecteremur: Nam eo dumtaxat, quo describit pacto Jansenistas vocari, magno duceremus honorem. Quid enim generosius in hoc genere, quam eniti ut Jansenium primi ordinis Sacerdotem, scripturarum nostrarum elegantem explanatorem, hæreticorum, dum vita fuit, expugnatorem egregium, Belgii nostri Episcopum, Academia Lovanicensis Doctorem, virum ingenio acerrimum, judicio maturissimum, moribus integerrimum, omni litteraturâ expolitum, in perfecta erga Matrem suam Ecclesiam, atque Sedem Apostolicam submissione, ac reverentiâ vitâ sanctum, detersâ omni hæretica pravitatis labe, Ecclesia Catholica Vindicemus? Efficiat ergo (amabimus) eximiâ, qua valet, auctoritate, & Confœderatarum phalangum societate Theologus noster Steyartius, ut ea, quam describit, Jansenista idea, ab universis maculis suis, & ut Philosophi ajunt, connotatis purgata, apud summos, infimosque per orbem Christianum obtineat, ut scilicet, juxtâ definitionem Steyartii in Theoriæ expurgatæ parte alterâ, Pag. 15. IANSENISTÆ NOMEN à Jansenio, QVIS ACCIPIAT, QVI ILLIUS DOCTRINAM TVETVR, AC PROFITETVR.

Porro, inquit fortissimus idem vester athleta
Pal-

Palladius, *antequam id perfecerit, & quamdiu exoticum hominem, nec sana fidei, ut usus habet, personabit vox ista, illam ut contumeliosam, ac maledicam averfamur.* Atqui Jansenistarum nomen non intorsi plerisque vestris Missionariis, sed tantum eos Jansenii sententiis imbutos esse indicare visus sum, & revera censeo. Quid autem hic a veritate alienum? quid Novis Augustini Discipulis, ipso teste Palladio, non honorificum? Nam, inquit, *eo dumtaxat quo Dominus Steyart describit pacto Jansenistas haberi, & esse, magno ducemur honoris.* Quoties Palladium, aut alium quemcumque Jansenistam scribo, eo me prestare id sensu profiteor: quamvis & sensus alius, quem ut contumeliosum, & maledicum Palladius averfatur, Palladio in primis, me quidem iudice, conveniat. Non omnes autem Jansenii sectatores *homines exoticos* credo: *Sana eos fidei esse,* judicare non possum, nec sub anathematis pena pronuntiare. Horum omnium probationes prolixiores, ubi vobis gratas fore Epistola, quam exspecto, responsoria ostenderitis, publici juris faciam. Sic nempe vestro, sic sociorum, sic Missionariorum vestrorum famæ consulitis.

Unum vobis perquam facile est efficere ut falsa quadam, non tamen imprudenti, opinione delusus fuerim, cum scripsi: *Fallor si ab ullo verbum exterqueas, quo Pseudo Augustini Sententias in ejus sensu recte proscriptas, aut falsas profiteatur.* Quid enim facilius quam Janseniano sensui deinceps nuntium remittere, scripto publice declarare quod subscribatis formulae Alexandri VII. quæ Propositiones quinque ex Augustino Cornelii Jansenii excerptas, & in sensu ab eodem auctore intento damnatas testatur, & eodem sensu

ne hæreticas haberi juberet? & quàm exopto vehementer, ut hic me non vera suspicatum gloriosâ fidei professione comprobetis! Sed rursus fateor magis timere me, ut id præstetis aliquando, quod tam præfractè hætenus recusastis. Non mihi quidem, non Cranebergio, non aliis quibuscumque privatis Theologis tantum putatis tribuendum, at date illud famæ vestræ, date paci publicæ, & edificationi Ecclesiæ, salutis animarum, quæ vestro præsidio multum promoveri poterit, exemplâ omnium mentibus, quæ jam pridem altas radices egerat, Iansenismi suspitione.

Opportune Româ transmissam accipio lacrimam ex Tom: 3: Eminentissimi Cardinalis de Aguirre, quem Romæ edidit anno superiore 1690: Prolegomeno quinto: Postquam varia de quinque nuper Alex: VIII oblatiis articulis rerulerat judicia, suum suspendendum duxit, maxime ob reverentiam quorundam Thomistarum us faventium, acceptis videlicet sensu Thomistico, non Araldico, & Ianseniano, quem etiam articulis subesse Cranebergius invictè demonstrat: pergit Eminentissimus loco citato: „Certè mens Pontificum Innocen-
 „tiii, atque Alexandri alienissima fuit ab inu-
 „rendo notam aliquam clarissimæ Thomista-
 „rum Scholæ, quæ hætenus in doctrinis suis
 „circa prædestinationem, Gratiâ, & liberum
 „arbitrium, integra labisque pura inventa est,
 „quæque præterea apertè rejicit, & impugnat
 „quinque illas Theses excerptas, è libris Iansen-
 „nii *Iuxta sensum ab auctore intentum* uti Alexan-
 „der VII rejiciendas docuit, & sanxit.

„Hoc ultimum si fecissent Anonymi illi, qui

prædictos articulos nuper recudendos curarunt, longe amplius obediētes se ostenderent erga Apostolicam Sedem in suis definitionibus circa quilibet fidei, & morum Controversias nulli errori obnoxiam. Melius quoque conscientiz suæ, melius famæ, & paci, ac fraternæ concordiz cum omnibus aliis Catholicis Theologis, quam unlibet Scholarum consulerent. Tribuerent etiam nobis Amplissimam gaudii materiam, quantam olim doloris nonnulli Lovaniensium, dum proferrent & publice ederent, & post constitutiones Innocentii & Alexandri Pontificum, imò & post conditos eos V Articulos an. 1663 Theses quasdam satis difficiles, ut mitissime loquar, & quas multi nesciunt discernere à damnatis in Janzenio. Illarum specimen exhibeo in variis disputationibus hujus Tomi, sicuti & præmissi septennio antè in defensione Cathedræ S. Petri disp. 1. 18. 19. & 20.

At enim neque ii qui modo recudunt articulos ipsos, execrantur in iis V. illas Theses à Pontificibus fulguras in Janzenio, *juxta sensum ab auctore intentum*, solum enim generatim ajunt se ex animo semper damnasse, & damnare, quoscunque in famosis Propositionibus errores damnarunt & Innoc. X, & Alex: VII quocumque tandem in libro & à quocumque auctore asserti repariantur, atque defensi. Non dicunt se damnare illas Propositiones, sed errores in iis damnatos à Pontificibus; quasi illæ aliquid præterea contineant non erroneum; nec fatentur se illas damnare contentas in libro Janzenii, *juxta sensum ab illo intentum*, prout Alex: VII Papa severè præscripsit: sed solum generatim ajunt

„Sajunt se illos errores dampnare, & damnate
 „quocumque tandem in li. v. & a quocumque scriptore
 „transcripti reperiantur, atque defensi.
 „Quis vobis scrupulis fuit, quæ causa, o The-
 „ologi! ne palam, & absque omni ambage aut
 „circutu verborum, fateremini, vos execrari
 „eas? Theſes in libro Iansenii notatas juxta
 „sensum ab auctore intentum, hoc brevius securius,
 „laudabilius potuissetis exornare, cum ingenti
 „plausu, & gaudio quorumdam, et aliorum Theo-
 „logorum cujuscumque Scholæ, & Instituti, qui
 „palam ita loquuntur, nec religioni ducunt eam
 „formulam usurpare, imò & laxum aliquid ti-
 „menon in illis qui detrectant, ne forte non ex
 „animi sententiâ, hec omnino sincere rejiciant
 „Theſes illas tam diu, tam mature, tam medita-
 „te & rotas damnatas ab Apostolica Sede.
 „Id præterea manifestum est, Theſes easdem
 „in Iansenii opere extare, quidquid alii contra-
 „dixerint, ut palam ostendo in hoc volumine
 „exscriptis illius verbis, & præsertim
 „disp. 133 & duabus sequentibus. Constat in-
 „super damnatas easuisse ab Apostolica Sede
 „non juxta sensum aliquem fictitium, vel una-
 „ginarium (quid enim magis indignum de illa
 „post tam diuturnum & accurarum examen
 „multorum annorum dici posset?) sed juxta li-
 „teralem, obviu, germanu, ac propriu,
 „qui plane fuit sensus Cornelii Iansenii palam
 „ubique loquentis. Eadem Sedes hoc ipsum
 „aperte sub religione juramenti profitendum
 „Academiæ celeberrimæ Lovaniensi præscrip-
 „sit, & singulis ejus Alumnis, quoties gradu ali-
 „quo literario insigniri volunt, juramentum
 „id, ut audio, ab omnibus emittitur solemniter
 „ritu.

met Innocentius per plures dies eorumdem Theologorum qualiscatorum sententias maxima cum patientia, audiuit, & coram se, Cardinalibus inquisitoribus & Theologis qualiscatoribus quemdam Abbatem de la Lane, aliosque Doctrina Ianseniana fautores admisit. Votaque Theologorum qualiscatorum in scriptis redacta magno studio & diligentia perscrutatus fuit, aliisque Eruditiss. viris in Consilium adhibitis, ac indistis per Ecclesias urbis supplicationibus tandem in perdigilio Pontocostes ad condemnationem predictarum Vpropositionum devenit, afflante equidem Spiritu sancto cuius assistentia in hoc gravissimo negotio semper evidentissime apparuit. Eant nunc quicumque aliter sentiunt aut loquuntur vel scripturiunt, de examine, discussione, & consultationibus, preparatoris ad eam definitionem edendam, qua nullam diutius aut attentius Roma meditata fuit. Hactenus Cardinalis de Aguirre.

Si ne tantæ quidem Auctoritati vobis decretum est cedere, frustra deinceps querelas jactabitis adversus conceptam de vobis Jansenismi suspicionem. Si verò Jansenianum sensum abdicaveritis, opinionem meam de fide vestra fortè non satis equam lubentissime ac promptissime retractaturum me & publice hisce testatum volo Lovanii die 20 Augusti 1691.

Domini Admodum Reverendi

Eximie atque Eruditissime

Humilissimus vester & obsequentissimus

Emulus,

Didacus de Oropega.

Post Scriptum.

AUDIO te Eximie D. Henrice adijisse lexicon Græcum, atque illic quidem deprehendisse quod ὄρος montem significet, cætera non assequi. Gaudeo te hac occasione tantum Græci didicisse, quod ignorabas. Quid ni quævisisti ὄρος contractum ὄρω? Si & Hispania Lexica consulisses, ad quæ prænomen meum Didacus videbatur te manu ducere, lucis forte aliquid Hispanicum nomen Oro uti & Pega affudisset. Ne tamen deinceps frustra te eriges nomen meum quærendo in dictionariis, scire te velim, Nomen Didaci mihi in Baptismo datum, Nomen Oropega a maioribus obtigisse. Vin' plura? Philosophiæ operam dedi Lovanii, Theologiæ variis in Academicis, etiam in Lovaniensi, inter Oratorii Presbyteros educatus, &c. At iterum rogo, ne me meosque male perdat tuus ille iratus nimium & minax socius.

Jam me accedit civis Lovaniensis vir honestus nuntians factionem vestram horrendum aliquid moliri, conventus non intermitteri, omnia fervere. Quid tandem hæc monstri seu vindictæ paritura sunt? Monent quoque amici ut tantisper me Lovanio subducam: Obtempero; atque cum Familiæ meæ parte aliqua, & tenui supellectile secedo ex Hispanica ditione: quis enim tanto furori, & potentiae resistat? ubicumque verò tandem delituro curabo ut scripta ad me vestra deferantur; nec ero in respondendo parcior. Valere.

F I N I S.

